

SCRIPT OF MORNING GOJRI NEWS BULLETIN 6DEC 2025
1015HRS

مارننگ گوجری نیوز بولٹن 6 دسمبر 2025

یوہ آکاشوانی جموں ہے محبوب سلطانن تیں خبر سُنو۔

RLY MIN USBRR

ریلوے گا مرکزی وزیر اشونی ویشنو نے پچھلے تہاڑے کہیو ہے جے ادھمپور سرینگر بارہمولہ ریل رابطہ یو ایس بی آر ایل پروجیکٹ نے 5 کروڑ تیں متا روز گار گا موقع پیدا کیاہیں مہارا آکاشوانی جموں غا نمائندہ غے مطابق جناب ویشنو بوراں نے راجیہ سبھا مانہ بولتا واں کہیو ہے جے ادھمپور سرینگر بارہمولہ ریل رابطہ غا پروجیکٹ نے جموں کشمیر مانہ رابطاں تے معاشی سرگرمیاں مانہ خاصو بادھو کیو ہے انہاں نے کہیو ہے 272 کلو میٹر لما اس پروجیکٹ جھڑو حال ہی مانہ شروع کیو گیو ہے کشمیر نانہ ملک گا باقی حصاں نال جوڑن غو کم کر رہیو ہے تے اس تیں علاوہ یوہ پروجیکٹ سیب گا کاشتکارا گی مدد کر رہیو ہے تانجے وے اپنی پیداوار بڑا بازاراں توڑی پُجا سکیں وزیر موصوف نے مزید کہیو جے خطہ مانہ ریل لائنن نانہ مزید بنان واسطے منصوباں گو سروے ہو چکو ہے جن مانہ 46 کلو میٹر بارہمولہ اوڑی نوی ریل لائی تے 118 کلو میٹر بانہال بارہمولہ ور دوجی پالی غی تعمیر شامل ہے اُن غو مزید کہنو تھو جے ان گی تفصیلی پروجیکٹ رپوٹ وی تیار کردتی گئی ہے۔

CM HAZRATBAL SHRINE

وزیر اعلیٰ عمر عبداللہ نے پچھلے تہاڑے سرینگر گی منی پڑمی درگاہ حضرت بل مانہ دیویدگاری دروازاں باب السلام تے باب النور گونی پتھر رکھیو ہے جھڑو مزار گا ثقافتی ورثہ گا تحفظ گے نال بُنیادی تانچہ تے اُت اُن آلا عقیدت منداناں گا تجربہ نانہ بہتر بنان گا اک قدم گا طور ور تھو اس دوران وزیر اعلیٰ گے نال اُن غا مشیر ناصر اسلم وای زیدا بل تیں قانون ساز اسمبلی گا ممبر تنویر احمد صادق تیں علاوہ متعلقہ افسراں وی موجود تھا انہاں نے کہیو دوائے دروازاں غی تعمیر ور مجموعی طور ور 129 عشاریہ 68 لکھ روپیہ خرچ کیا جییں غا جد کہ ہر دروازاں غی لاگت 64 عشاریہ 84 لکھ روپیہ وے گی تے انہاں نانہ خوبصورت تے دلکش ڈیزائن مانہ تیار کیو جے غو۔

DAR SPORTS INFRA

زراعت بارے وزیر جاوید احمد ڈار نے کہیو ہے جے حکومت جدید سہولت غے نال نال کھیڈاں گا بُنیادی ٹاچاں نانہ مضبوط بنارنی ہے تانجے نوجوان کھیڈاریاں گی بہتر مدد کی جاسکے انہاں نے اس گل گو اظہار بارہمولہ گا رفقہ آباد علاقہ گا لاٹورا ناگبل غی ترقی گانی پتھر رکھن گے دوران کیو۔ اس پروجیکٹ نانہ جموں کشمیر گی کھیڈاں بارے کونسل گی طرفوں 70 لکھ گا تخمینہ لاگت سنگ تیار کیو جے غو اس موقع ور بولتا مانہ وزیر موصوف نے کہیو جے کھیڈ میداناں غی تعمیر

مقامی نوجوانان واسطے بہتر موقع پیدا کرے گی تانجے وے کھیڈ سرگرمیاں مانہہ
حصولے غے اپنی صلاحیتاں نانہہ نوی راہ دے سکیں۔

INDIGO FLIGHTS

جموں تے سرینگر ہوائی اڈہ ور سینکڑاں گی تعداد مانہہ مسافر پھنسیاواں ہیں تے
ہوائی اڈاں ور افراتفری گو ماحول ہے کیونجے جے انڈیگو ایرلائین نے پائلٹ آر او
ایس ریزینگ گا مسئلہ گی وجہ تیں پچھلے تہاڑے اپنی پروازاں نانہہ منسوخ کردتو
ہے جس سنگ پورا ملک مانہہ اس غی خدمات متاثر ہوئی ہیں۔ اس ضمن مانہہ دسیو
گیو ہے جے سرینگر تیں انڈیگو گی 13 پرواز تے جموں تیں 11 پرواز منسوخ ہوئی
جدکہ سرینگر گی 18 آن تے 18 جان آلی پروازاں بجو 13 آن تے جان آلی پروازاں نانہہ
منسوخ کیو گیو ہے۔

MBBS SEATS

صحت تے خاندانی بہبود غی وزارت نے دسیو ہے قومی طبی کمیشن این ایم سی
نے جمعہ آلے تہاڑے اعلان کیو ہے جے جموں کشمیر گا نوا تعلیمی سال 2025-26
واسطے اک نوو طبی کالج 379 ایم بی بی ایس گی نشست تے 118 پوسٹ گریجویٹ
غی نشست آلات کی ہیں مہارا آکاشوانی جموں غا نامہ نگار غے مطابق جموں
کشمیر نانہہ با منظوری پورا ملک مانہہ نوا تعلیمی سیشن واسطے 44 نوا طبی کالجاں
تے 11 ہزار 732 گریجویشن کرن آلی نشستیں گو حصو ہے وزارت نے مزید اس گل
نانہہ اُجاگر کرتا واں کہیو جے مرکزی معاونت آلی سکیم غے تحت جس غے
ذریعے ضلع اسپتالاں توں جوڑیاواں نوا طبی کالجاں قائم کیا جارہیا ہیں تے بارہمولہ
تے کپواڑہ جموں کشمیر گا اسپیرینٹ ضلاع ہیں جنہاں نانہہ ترجیحی بُنیاد ور اہل
قرار دتو گیو ہے جدکہ راجوری قبائلی ضلع گا زمرہ مانہہ آرہیو ہے۔

CS HEALTH INFRA

چیف سیکرٹری اٹل ڈل نے پچھلے تہاڑے اک میٹنگ غی صدارت کرگے صحت تے
طبی تعلیم محکمہ مانہہ جاری کئی بڑا منصوباں گو جائیزو لیو ہے اس جائیزہ
میٹنگ غے دوران پردھان منتری آیوش مان بھارت ہیلتھ انفراسٹرکچر مشن غے تحت
ہر ضلع مانہہ بنایا جارہیا کریٹکل کیر بلاکاں ور ہوئی پیش رفت بارے جانکاری
حاصل کی گئی واضع رہے جے ان بلاکاں نانہہ پورا جموں کشمیر مانہہ ایمرجنسی
کووڈ رسپانس پیکج تے دیگر غے تحت ترقی دتی جارہی ہے اس میٹنگ گے
دوران جناب ڈلو نے ان پروجیکٹاں نانہہ ویلے سرپورو کرن ور ور زور پایو۔

SPL ANN PROG

آکاشوانی جموں غو علاقائی خبراں آلو شعبو اپنا 55 واں یوم تاسیس غا موقع ور 30
منٹ غو ایک خصوصی پروگرام نشر کرے غو۔ یاہ خصوصی نشریات اج یعنی 6
دسمبر 2025 نانہہ تہاڑی غا 12:30 بجے نشر کیو جے غو۔ اس پروگرام غو موضوع آر
این یو آکاشوانی جموں غو بامقصد 54 سال غو سفر تے اگے غی پیش رفت رکھیو
گیو ہے۔ اس خصوصی پروگرام مانہہ سابقہ آر این یو صدر، ایڈیٹوریل عملو، نیوز
پڑھن آلا تے سامعین خبراں غا شعبہ غی کارکردگی بارے اپنی رائے پیش کریں غا

تے يوم تاسيس غى مبارک باد وى دین غا. پروگرام غى ميزبانی کریں گا مارا ميزبان
وجے بجاج، سامعین یوہ پروگرام میڈیم ویو 303 میٹر یعنی 990 کلو ہٹز تے ایف
ایم 100.3 میگا ہٹز ور سُن سکیں گا۔
